

明史藁

志第三十八

光祿大夫 經筵講官明史總裁戶部尚書加七級臣王鴻緒奉
敕編撰

禮十 嘉禮四 賓禮

巡狩

東宮監國

皇長孫監國

頒詔儀

迎接詔赦儀

進書儀

進表箋儀

鄉飲酒禮

蕃王朝貢禮

遣使之蕃國儀

蕃國遣使進表儀

歸官相見禮

庶人相見禮

巡狩之制 乘樂六年北巡 禮部行直省凡有重事及四夷來
朝俱達行在所 小事達京師 啓聞進表達行在所 箋文達京

師車駕將發奏告天地社稷太廟奉陵祭大江廣澤等神就
祭於承天門緣途當祭者遣官祭將至北京設壇祭北京山
川等神車駕至奏告天地祭境內山川等神扈從馬步軍五
萬內馬軍一步軍四衛從五府都督各一員吏戶兵刑四部
堂上官各一員禮工二部堂上官各二員都察院堂上官一
員御史二十四員通政司大理太常光祿鴻臚寺堂上官共
二十員翰林院內閣官各員侍講修撰典籍等官六員六科
給事中其十九員六部郎官共五十四員餘不具載車駕將
發宴文武羣臣賜扈從官及軍校人等鈔至北京宴文武羣
臣耆老屬百官及命婦鈔所過郡縣官吏生員耆老朝見分
道延臣數守令賢否即加黜陟給事御史存問高年賜幣帛

酒肉嘉靖十八年南巡先期親告皇天上帝於玄極寶殿同日告皇祖太廟皇考睿宗廟遣官分告北郊成祖列聖羣廟太社稷帝社稷朝日夕月天神地祇駕發出正陽中門后妃輦轎從錦衣衛設欽製武陳駕衛卒八千奉輿輦執儀仗衛指揮前驅武重臣三員留守兵部尚書一員參贊機務各賜勅行事文重臣一員督宣太一員督薊州山海關文重臣一員行九邊亦各賜勅行事皇城四門京城九門大明門外兩門文武大臣各一坐邊官侯伯二坐營官及提督把總晝夜巡捕扈駕官軍六千執武陳駕儀一千人總兵官領之駕前後各二千人參將領之駕左右各五百人翼駕侍左右副參將領之扈從官略如永樂時駕發留守大臣率文武百官

吉服赴宣武門外彰義關遂駕扈衛官先發在途免朝參禮兵二部鴻臚太常科道糾儀官從行光祿隨辦御膳供具所過地真定望祭北嶽恆山帝常服行禮如常儀五府九卿巡撫大臣吉服陪拜衛輝還官祭濟瀆鉅州望祭中嶽嵩山蒙澤祭河行禮如北嶽南陽還官祭武寧山沿途古帝王聖賢忠臣烈士遣官致祭撫按二司官於所屬境上迎駕至行宮吉服朝見將衛州縣官吏與耆老俱三十里外候迎駕至行宮鴻臚率引見行禮廟過王府親王具常服候駕宗室不許用迎王隨車行宮具常服朝見行禮畢賜宴帝至舊廟詣廟殿皇帝廟告越四門轉祭告皇天禮於龍飛殿升座廟獻皇帝配是日更皮弁服詣國社壇及山川壇行告祭禮次

日恭謁顯陵次日從駕官上表賀遂頒詔如儀駕回京親謝
皇天上帝皇祖皇考及遣官分告郊廟社稷羣神俱行禮如
初

東宮監國皇帝有巡狩令皇太子或皇孫監國其儀止見於
永樂嘉靖間永樂七年駕幸北京定制凡常朝皇太子於午
門左視事左右侍衛及在京各官啓事如常儀若御文華殿
官員承旨召入者方入凡內外軍機及王府急務悉奏請有
邊報卽調邊軍勦捕仍遣人馳奏行在所皇城四門各城門
守衛皆增置官軍仍日閱軍馬遇萬壽聖節正旦冬至皇太
子率文武百官於文華殿前拜進表文行十二拜禮導表由
中門出皇太子由左門送至午門還宮百官導至長安右門

外文五品武四品以上及近侍官監祭御史俱乘馬導至三
門外以表授進表官至觀誓天祝壽行八拜禮其正旦冬
至千秋節百官於文華殿慶賀如常儀凡享太廟祭社稷風
雲雷雨山川預期轉壇太子攝祭其祀典神祇太常寺於行
在所奏聞遣官行禮凡四夷來朝循例宴之命禮部遣人送
行在所凡詔書至設龍亭儀仗大樂百官朝服出三山門外
奉迎至長安門由中門入皇太子具冕服於午門前奉迎至
文華殿置龍亭於正東使耆立於東皇太子行五拜三叩頭
禮殿展讀使者捧詔置龍亭中皇太子送至午門外正中
禮部官置詔書雲輿東文武三品以上官迎至承天門鴻臚
寺設案開讀禮畢百官以次退使者授詔書出承天門外鼓

樂送會同館使者見皇太子行四拜禮其日宴使臣於禮部
十二年北征復定制常朝於文華殿視事文武啓事俱達北
京嘉靖十八年南巡命皇太子監國時東宮年幼命輔臣一
員居守京師保護軍國機務悉聽啓行

皇太孫監國永樂八年北征皇太子監國於南皇長孫監國
於北後皇長孫行冠禮始尊稱皇太孫云每日皇長孫於奉
天門左視事侍衛如常儀諸司有事具啓施行若軍機及王
府要務一啓皇太子處分一奏聞行在所萬壽聖節設香案
於奉天殿行禮如常儀天下諸司表文俱詣北京進賀四夷
朝貢俱送南京禮部啓皇太子施行武選及官吏軍民有犯
大者啓皇太子小者皇長孫行之皇親有犯啓皇太子所犯

情重及謀逆者即時拘執命皇親會問不服乃命公侯伯五府六部都察院大理寺會皇親再問啓皇太子候車駕回京奏請處分

頒詔儀朝廷頒命四方有詔書有敕書有勅符丹符有制諭手詔詔赦先於闕廷宣讀然後頒行勅符等則使者齎付所授官祕不敢發開讀迎接儀各不同洪武二十六年定頒詔儀前期一日尚寶司設御座於奉天殿設寶案於殿東錦衣衛設雲蓋於奉天門教坊司陳中和韶樂於殿內禮部設宣讀案於承天門上西南向其日清晨陳設如常儀教坊司設大樂於午門外承天門外東西相向儀禮司設百官拜位於承天門外橋南校尉四人擎雲蓋於殿內簾前鼓初嚴文武

百官各具朝服鼓次嚴引禮引公侯侍班於午門外東西相
向鐘聲止儀禮司跪奏請陞殿皇帝服皮弁服導駕官前導
中和樂作陞座樂止鳴鞭捲簾禮部官捧詔書詣寶案前用
寶訖捧置雲蓋中校尉擎執雲蓋由殿東門出大樂作自東
陛降出奉天門至金水橋南午門外樂作公侯前導迎至承
天門上鳴贊唱排班引禮引文武官就拜位唱班齊鞠躬樂
作贊四拜樂止宣讀展讀官陞案稱有制贊衆官皆跪禮部
官捧詔書跪宣讀官宣讀官受詔書唱宣讀宣讀官宣訖禮
部官捧詔置雲蓋中贊禮唱俯伏興樂作四拜樂止唱搢笏
鞠躬三舞蹈唱山呼百官拱手加額曰萬歲如是者三凡呼
萬歲樂工軍校擊鼓齊聲應之唱出笏俯伏興樂作四拜興

平身樂止序班卽報儀禮司跪奏禮畢禮部官捧詔書分授使者畢駕興中和樂作鳴鞭樂止百官以次退嘉靖六年續定前期鴻臚寺官設詔案錦衣衛設雲蓋盤於奉天殿內東別設雲盤於承天門上設綵輿於午門外鴻臚寺官設宣讀案於承天門上是日百官入丹墀內侍立帝具冕服御華蓋殿執事官就次行五拜三叩頭禮鴻臚寺官奏請陞殿導駕官導帝陞座翰林院官捧詔書從至御座前東立百官入班四拜出至承天門外鴻臚寺官贊頌詔翰林院官捧詔書授禮部官捧置雲盤案上校尉擎雲蓋俱從殿左門出至午門外捧詔置綵輿內公侯伯三品以上官前導迎至承天門上百官就拜位四拜展詔官陞案稱有制衆官皆跪宣讀官宣

讀訖禮部官捧詔書置雲盤中贊別拜山呼萬歲訖
拜禮畢駕興百官以次出禮部官捧詔書授錦衣衛官
匣中以綵索繫於龍竿頒降禮部官捧詔書置於龍亭內鼓
樂迎至禮部授使者頒衍天下其奏樂贊禮俱如常儀既
六年詔從殿左門出至皇極門卽奏禮畢駕興
迎接詔敕儀洪武中定凡朝廷遣使開讀詔敕本處官具龍
亭綵輿儀仗鼓樂出郭迎接朝使下馬取詔書置輿中前
向本處官具朝服行五拜禮衆官及鼓樂前導引朝使進
在龍亭後至公廨問衆官先入文武東西序立候龍亭至庭
中衆官排班四拜朝使捧詔授展讀官展讀官跪受詣閣讀
案宣讀訖捧詔授朝使仍置龍亭中衆官四拜三舞蹈跪山

呼者三復四拜禮畢班首詣龍亭瞻跪問聖躬萬福朝使鞠躬答曰聖躬萬福衆官乃退湯服見朝使竝行兩拜禮復具鼓樂送詔於官亭如有出使官則先守臣行禮

進書儀實錄最重皇帝具袞冕而始朝服進表稱賀其餘纂修書成則以表進重錄書及玉牒止捧進茲詳載進實錄儀餘可推見云永樂元年太祖實錄成前一日設香案於奉天殿丹陛之中表案於丹陛之東錦衣衛設鹵簿駕教坊司設中和韶樂及大樂如常儀設寶輿於奉天門是日早史官捧實錄置其中帝御華蓋殿具袞冕鴻臚寺官奏執事官行禮贊玉拜奏請陛殿導駕前導御奉天殿文武官各具朝服詣丹墀分左右侍班鴻臚寺官導引寶輿至丹陛上史官舉實

錄置於案史官入班鴻臚寺官奏進實錄序班舉實錄案以
次由殿中門入班首由左門入帝興序班以實錄案置於殿
中班首跪於案前贊史官皆跪序班并內侍官舉實錄案入
謹身殿置於中帝復座贊俯伏班首俯伏興復位贊四拜贊
進表序班舉表案由左門入置於殿中贊宣表贊衆官皆跪
宣訖贊俯伏興贊四拜興進實錄官退於東班侍立文武百
官入班鴻臚寺官奏某官某同文武百官恭遇太祖聖神
文武欽明啓運俊德成功統天大孝高皇帝孝慈昭憲聖仁
文德承天順聖高皇后寶錄纂成羣臣懽抃體當慶賀宜訖
各官四拜興贊有制史官仍入班贊跪宣制云太祖聖神文
武欽明啓運俊德成功統天大孝高皇帝孝慈昭憲聖仁文

德承天順聖高皇后功德光華纂述詳實朕心懽慶與卿等同之宣訖俯伏興三舞蹈山呼又四拜禮畢萬曆五年續定前一日設表案於皇極殿升陛之東設寶錄案於丹墀中教坊司設中和韶樂及大樂如常儀設寶輿香亭表亭於史館前是日早錦衣衛設鹵簿駕帝御中極殿具袞冕服文武兩官具朝服侍班監修總裁纂修等官具朝服至館前監修官捧表置表亭中纂修官捧寶錄置寶輿中鴻臚寺官導迎寶錄寶輿香亭用鼓樂繼監由會極門下階至橋南由中道行表亭監修總裁等官後隨由正橋轉至皇極門寶錄寶輿香亭由中門入表亭監修總裁官由左門入至丹墀案前監修官捧表由東王階陞置於表案由東北邊下纂修官捧寶錄

置於案樂作寶輿香亭鼓樂繖蓋俱退監修總裁等官侍立
於石墀東內殿鴻臚寺官奏執事官行禮贊五拜三叩頭訖
奏請陞殿導駕官前導樂作帝御皇極殿樂止鳴鞭監修總
裁等官入班班列石墀上鴻臚寺官奏進實錄樂作序班舉
實錄案以次由中道陞至殿門外帝興序班舉實錄案由中
門入置於殿中樂止班首由東北邊階陞自東門入跪於案
前贊總裁等官皆跪樂作內侍官舉實錄案入內殿置於中
帝復座樂止贊俯伏班首及總裁等官皆俯伏樂作興平身
樂止班首復位贊鞠躬樂作贊四拜興平身樂止贊進表樂
作序班舉表案置於殿中樂止贊宣表贊舉官皆跪鴻臚寺
官展表宣訖贊俯伏興樂作贊鞠躬四拜平身樂止進實錄

官退於石墀東侍立贊排班文武百官入班贊班齊贊跪鴻臚寺官致詞云文武百官某官臣某等恭惟世宗肅皇帝神功聖德纂述成書光華萬世羣臣懽忭禮當慶賀贊俯伏與贊鞠躬樂作贊四拜興平身樂止贊有制進實錄官仍入百官班跪宣制云世宗肅皇帝功德配天紀述詳實朕心懽慶與卿等同之宜訖贊俯伏樂作興平身樂止贊搢笏鞠躬三舞蹈贊跪山呼萬歲三贊出笏贊俯伏興樂作贊鞠躬四拜興平身樂止禮畢次日司禮監官自內殿送實錄下殿仍置寶輿中用繖蓋與監修總裁副總裁官同送至皇史宬尊藏進表箋儀明初定制凡王府遇皇帝壽日及冬至正旦先期進表陳設畢王冕服就位四拜詣香案前跪搢圭進表訖復

位又四拜揖圭三舞蹈山呼者三又四拜百官朝服隨班行
禮進中宮箋儀如之惟不舞蹈山呼進皇太子箋王其成弁
服行八拜禮百官朝服隨班行禮凡進賀表箋親王於天子
前自稱曰第幾子某王某稱天子曰父皇陛下稱皇后曰母
后殿下若孫則自稱曰第幾孫某封某稱天子曰祖父皇帝
陛下稱皇后曰祖母皇后殿下若天子之弟則自稱曰第幾
弟某封某稱天子曰大兄皇帝陛下稱皇后曰尊嫂皇后殿
下若天子之姪則自稱曰第幾姪某封某稱天子曰伯父皇
帝陛下叔父皇帝陛下稱皇后曰伯母皇后殿下叔母皇后
殿下若封王者其分居伯叔及伯叔祖之尊則自稱曰某封
臣某稱天子曰皇帝陛下稱皇后曰皇后殿下若從孫再從